

刑部比照加減成案

刑部比照加減成案卷二十八目錄

杭州許樾

同訂

安陸熊莪

刑律犯姦

犯姦

縱容妻妾犯姦

親屬相姦

刑部比照加減成案卷二十八

刑律犯姦

犯姦

河南司 道光二年

河撫奏蘇勇木強姦蘇逢甲九歲幼子蘇  
丙仁未成按例應發烟瘴充軍惟該犯因  
蘇逢甲告知父母將伊斥罵復至蘇逢甲

門首辱罵。以致蘇逢甲忿恨。將其子蘇丙、仁勒斃。實由該犯強姦起衅。將蘇勇木從重發新疆給官兵爲奴。

山西司

嘉慶二十一年

晉撫咨田玉等將斬自來子等窩留賣姦漁利一案。查田玉等均雇覓良民斬自來子等。引誘雞姦。復窩留賣姦漁利。將田玉

等比照設計誘買良家之子爲優例各枷號三個月杖一百徒三年。

直隸司

嘉慶二十四年

直督咨楊祥強姦無服族祖楊世信之妻李氏未成拒傷本婦墮胎例無治罪明文自應仍照強姦拒傷本婦例定擬該犯與李氏之夫雖無服制但李氏究係該犯族

祖母尊卑名分猶存將楊祥依強姦拒傷  
本婦傷非金刃兇器未成姦者發邊遠充  
軍例上酌加一等發極邊充軍

直隸司

嘉慶二十五年

直督題李春棟強姦九歲幼女先姐已成  
復因哭喊用被按住其口致氣閉身死將  
李春棟依強姦十二歲以下幼女因而致

死刑擬斬立決加擬梟示。

山西司 嘉慶二十五年

南城移送寇二與姪兒通姦。姪兒係寇二妻兄周二之女。雖係外姻無服親屬。而姑夫姪女名分尙存。究與凡人有間。應酌加枷號兩個月。鞭一百。姪兒照軍民相姦枷號一個月。杖一百。

山西司

嘉慶二十年

提督咨送李靠山與同主雇工二格同炕  
睡宿乘其睡熟卽行雞姦二格驚醒不依  
央求寢息嗣欲續姦不允喊告被獲將李  
靠山照刁姦杖一百加枷號一個月二格  
係睡熟被姦嗣因李靠山向其續姦卽行  
拒絕且年甫十五應免置議



四川司 嘉慶十九年

川督奏雷曾氏因姦謀殺伊翁姦夫李允  
忠不知謀情原議依犯姦本例枷杖部議  
該氏之釀成逆倫重案由與該犯通姦所  
致死係姦婦之翁較本夫名分尤重比照  
婦女與人通姦致釀逆倫重案姦夫發駐  
防例該犯係姦夫發新疆官兵爲奴

福建司

嘉慶二十四年

福撫題吳奇緣哄誘陳氏行姦陳氏喊痛  
掙扎欲起該犯揪住不放恣意姦污以致  
陳氏被姦受傷越日身死已有用強情形  
惟查陳氏年已十三與強姦十二歲以下  
幼女因而致死者有問例無誘姦十二歲  
以上幼女已成致被姦之人因傷身死作

何治罪明文將吳奇緣依強姦十二歲以下幼女因而致死照光棍斬決例量減斬監候。

湖廣司 嘉慶二十三年

北撫咨盧嘉會身爲儒師罔顧名義誘令從習儒業年甫十四歲之盧蓮舫和同雞姦情節較重作何治罪律例並無明文惟

查儒師毆傷弟子定例俱照期親科斷。誠以名義至重。故罪與凡人迥別。惟姦淫有謀故殺重情。始同凡論。今師弟相姦情實重於毆傷。固未便僅同凡論。而師弟究以義合。與本宗服制有間。亦未便卽照姦期親服屬一律治罪。將盧嘉會比照姦兄弟妻兄弟子妻各絞例減一等滿流。本部查

儒師之爲人師表。與本管官之爲民父母。相同。本管官姦所部民妻女。律加凡姦二等。則儒師姦弟子。似亦只可比引此律。加凡人姦姦二等科斷。該犯盧嘉會。係舉人誘姦習儒弟子。已屬無恥。復因其另行從師。藉端呈控其父。異姓亂宗。希圖挾制。仍與姦好。情同惡棍。盧嘉會應照棍徒擾。

害例擬軍。盧蓮舫、照和、同雞姦例枷號一個月。杖一百。年未及歲。照律收贖。

奉天司 嘉慶二十四年

提督咨送吉林阿因扎布占等將伊姦好之廣寧揪去。並向伊等罵。遂忿恨捏詞呈控扎布占等將伊錢票搶去等情。查扎布占因知廣寧與人有姦。嗣見廣寧與吉林

阿在茶館喝茶卽起意商同吉勒彰阿等將廣寧揪出茶館。吉林阿不依。扎布占襲稱毆打。將廣寧帶回家內。與陳虎兒三人輪姦。將扎布占比照輪姦已經犯姦婦女已成例擬遣。隨同雞姦之吉勒彰阿、陳虎兒均照爲從同姦例滿流。係旗人實發駐防當差。吉林阿因扎布占等將廣寧拉去。

雞姦。並向伊等罵欲毆。卽捏以搶奪具控。如所控得實。扎布占等罪應擬徒。今扎布占等罪應遣流。與誣輕爲重不同。自未便以誣告定擬。應與廣寧依和同雞姦例。枷號一個月。杖一百。廣寧係正身旗人。屢次與人雞姦。實屬寡廉鮮耻。應銷除旗檔。

直隸司

嘉慶二十四年



直督題段法祥始向劉耿氏圖姦未允逼  
欠挾制成姦係屬強合和成繼復探知張  
李氏在家獨處前往圖姦乘張李氏睡熟  
冒姦已成實與強姦無異將段法祥比照  
強姦已成律擬絞監候

山西司

嘉慶二十四年

晉撫題郎洪斗因強姦無服族姪郎麻氏

未成。用刀扎傷郎麻氏平復。案查律例。並無強姦無服親之妻未成。刃傷本婦。作何治罪明文。自應仍照凡論將郎洪斗依強姦婦女執持金刃戮傷本婦未成姦例擬絞監候。

直隸司 嘉慶二十四年

直督題張汝通見年甫十二之趙陶氣兒

面貌清白。商同石進才。將其輪姦已成。將張汶通。比照輪姦良人婦女已成。爲首擬斬立決。石進才。爲從同姦擬絞監候。

貴州司 道光元年

晉撫題羅岩生。見田希紅之妻李氏。生有姿色。起意輪姦。商同楊老春。將田希紅致死。輪姦李氏已成。比照輪姦良人婦女已成。

成首犯斬梟從犯斬決

直隸司

嘉慶二十一年

直督咨遲孫氏砍傷伊翁遲子禮案內遲  
柱兒等與年甫十二之遲坤姐通姦應照  
律雖和同強論惟遲坤姐先與遲夢龍通  
姦業已破身與犯姦婦女無異將遲柱兒  
等比照輪姦犯姦婦女已成爲從同姦例

擬以滿徒

江蘇司

嘉慶二十一年

蘇撫題張黃寶用言調戲楊陸氏不依攔門喊叫並將其衣服揪住張黃寶情急圖脫刃傷本婦比依強姦刃傷本婦未成姦者絞候例上量減一等擬以滿流

江蘇司

嘉慶二十一年

卷二十八

刑律犯姦

蘇撫咨丁全郎屢次生事行兇。今復率衆  
擾害尼菴。胆敢將菴內之岳女陰戶搥傷。  
肆行凌虐。核與輪姦良人婦女未成爲首。  
發回城爲奴。

福建司

嘉慶二十一年

福撫題王篤來。故殺黃劉氏身死。案內之  
丁黃氏與王篤來通姦敗露。懺悔拒絕。伊

母黃劉氏欲將該氏改嫁。王篤來圖娶爲妻。與黃劉氏爭論財禮。致將黃劉氏殺死。黃劉氏之死。固非因該氏犯姦所致。而該氏既與王篤來和姦在先。與悔過後復被輪姦者不同。該撫因該氏悔過拒絕牽混輪姦犯姦婦女之條。將該氏作良人婦女。聲請免議。係屬錯誤。丁黃氏應仍依軍民。

相姦例擬以枷杖。

浙江司 嘉慶二十一年

浙撫咨外結徒犯內周三老知情縱容伊  
姊曹周氏與人通姦並無治罪明文將周  
三老比照縱容妻妾與人通姦律與伊姊  
曹周氏各杖九十經本部以引律未協將  
曹周氏改依軍民相姦例枷杖周三老改



依容止人在家通姦減犯人罪一等律于  
曹周氏滿杖上減一等杖九十

陝西司

嘉慶二十一年

陝督題景路家女糾約姜進榮寅夜前往  
輪姦小段氏未成誤摸該氏夫妹杏香子  
驚覺喝問恐其認識敗露起意致死滅口  
與姜進榮立扎斃命例內並無輪姦未成

殺死婦女親屬治罪明文。將景路家女比  
照輪姦良婦未成殺死本婦首犯擬斬立  
決。姜進榮應比照幫同下手例擬絞立決。  
山西司 嘉慶二十二年

晉撫咨路四科兒見李進寶舖內業徒高  
木林少艾起意輪姦。隨商允賈紅桃將高  
木林拉至空地按倒拉褲欲姦。經李進寶

赴至喝散。將路四科兒比照輪姦良人婦女未成爲首例發回城爲奴。

山西司 嘉慶二十一年

晉撫咨辛映辰強姦馮茂之妻韓氏未成。被馮茂將伊女韓辛氏按炕報復。辛映辰逼女自盡圖賴。查馮茂因辛映辰強姦伊妻未成。並不鳴官究治。輒將辛映辰之女

韓辛氏按炕羞辱報復。例無治罪明文。應將馮茂照強姦未成。滿流上減一等擬徒。雲南司嘉慶二十一年

提督咨送智三強姦陳王氏未成。查智三見陳王氏獨處。手持刀繩入門。迹近于強。旋將刀繩置放炕上。並未動手。僅以言語調戲。俾該婦詭計得脫。情又類于調姦原

情定讞將智三照強姦未成滿流例上減  
一等滿徒。

山東司 道光元年

東撫題孫小連因同姓不宗之八歲幼女  
孫了姐獨處該犯頓萌淫念誘令行姦孫  
了姐負痛哭喊該犯畏懼潛逃驗明孫了  
姐業已破身應將孫小連依將未至十歲

幼女誘去。強行姦污者。照光棍例斬決。惟該犯與孫了姐甫經行姦。因喊卽逃。尙知畏懼。與實在淫惡。光棍有間。核與乾隆十年直隸省段四之案相同。據該撫援案聲請。應將孫小連照例擬斬立決。請

旨奉

旨九卿議奏。改斬監候。

安徽司 嘉慶二十四年

提督咨送趙八稔知喜祿曾與蔣祿兒姦  
奸該犯亦欲將其雞姦嗣因喜祿不允卽  
起意強姦將其擡跌倒地拉褲尙未成姦  
卽被拏獲查律例並無強姦非良家子弟  
未成專條將趙八依強行雞姦未成者滿  
流例上量減一等滿徒

奉天司

嘉慶二十五年

提督奏豫親王裕興、強姦伊府內使女寅格已成。致寅格羞忿自縊身死。但寅格係裕興屬下包衣之女。與強姦平人婦女者有間。應於平人強姦已成本婦自盡斬候上量減一等。滿徒。係室室親王。乃於國服未除。親喪未滿之時。姦污婢女。致斃。



人命應照居喪犯姦例加等問擬應革去  
王爵發吉林當差折閱三年寅格照例

旌表世祿因女被姦具呈控告應革去六  
品典儀官依奴婢告家長得實滿徒折枷  
再查禮親王昭璉凌屬下莊頭程福海之  
案曾奉

上諭此項地九頃六十畝著卽撤出賞給

貝子奕統仍令程福海承充莊頭以示矜恤等因。應照程福海成案將包衣世祿撤出另行撥給別府當差。

山西司 嘉慶二十四年

晉撫咨韓思伏因聞知李氏向與李添保有姦。該犯亦欲與其姦宿。隨夤夜推門入室向其調戲。李氏不依。扭住該犯撞頭。該

犯掌批其頰。並槩破姦情。詎李氏因姦情敗露。又被欺辱毆打。羞忿自盡。將韓思伏比照強姦犯姦婦女未成致令自盡例杖一百。流三千里。查李氏之自盡。由於韓思伏之欺辱。並非姦情敗露所致。將李添保仍科姦罪。

山西司

嘉慶二十年

晉撫題李楞三強姦郭爭氣子已成罪應  
擬絞。惟郭爭氣子先被趙學子姦汚業已  
自認不諱。與良人有間。應依將良人強行  
姦姦並未傷人者絞候例上量減一等滿  
流。郭爭氣子依和同姦姦柳杖趙學子早  
經病故勿議。

安徽司

嘉慶二十一年

安撫題李申姐年甫十三因被周虎強姦  
內傷越十日身死查姦傷例無正條應比  
照強姦已成將本婦毆傷越日身死例定  
擬將周虎照強姦已成將本婦毆傷越日  
身死例擬斬監候

縱容妻妾犯姦

直隸司

嘉慶二十一年

直督咨楊霍氏與郭起祥通姦致縱容之  
父母自盡將鄭起祥依縱姦杖九十律上  
加一等擬杖一百

直隸司

嘉慶二十年

宗人府奏宗室圖克坦令雇工家人閨三

將妻閭張氏改扮男裝送入園禁空房與之通姦。審將閭三、閭張氏照縱姦擬杖九十加枷號兩個月。張氏杖決枷贖。

福建司 道光元年

福撫咨蘇子德因貧將妻嫁賣被蘇賢用誑騙賣妻錢文匿逃蘇子德失財窘迫服毒自盡。比照竊盜逃走事主失財窘迫自

盡照因姦釀命例滿徒。

江蘇司 嘉慶二十三年

北城移送楊景榮、賊告伊妻宋氏、私自逃走等情。審明宋氏係伊夫楊景榮、央媒將其嫁賣與李廷治爲妻。李廷治並不知宋氏係有夫婦女。將楊景榮、宋氏依賣休律、均擬杖九十。宋氏給與後夫李廷治領回。



完聚。

河南司

嘉慶二十三年

河撫咨王黑狗將妻扈氏賣與李存敬爲妻。訛因貧病交加窮急無奈所致與無故賣休者有間。扈氏係因前夫不能養贍將其嫁賣。母家又無親屬可依。若照律離異勢必又將失節轉嫁。且該氏在後夫李存

敬家已生一女。尚在襁褓。自應衡情酌斷。  
扈氏仍令後夫李存敬領回完聚。免追王  
黑狗所得財禮錢文。

江蘇司 道光元年

蘇撫咨石周氏。係本夫縱容與人通姦。本  
應離異。惟該犯婦父故母嫁。無宗可歸。若  
將其斷離。未免失所。應仍給領回。

浙江司

嘉慶二十二年

浙撫咨孫阿小誘拉陳岑氏嫁賣娶主鄭  
阿如雖不知拐賣情事第既認陳岑氏係  
孫阿小之妻混行買娶情同買休應比照  
買休律杖一百

親屬相姦

山東司 道光元年

東撫咨張泳保與總麻服弟張泳超之女  
白姐通姦敗露致白姐羞忿自盡依和姦  
之案姦婦因姦情敗露羞愧自盡姦夫杖  
一百徒三年仍盡姦同宗無服之親本法  
枷號四十日

四川司

道光二年

川督題劉騰位。先因圖姦子媳賈氏未成。  
越日令賈氏煮飯。被賈氏頂撞。該犯生氣。  
將其毆傷殞命。訛明實因賈氏頂撞。將其  
毆傷致斃。並非因姦與圖姦不遂。立時毆  
斃子媳者有間。應照例加等問擬。將劉騰  
位、照親屬和姦律。應死罪者。若調姦未成。

杖一百。流三千里。例上量加一等。發附近充軍。

直隸司

嘉慶二十四年

直督題閩海。因伊舅母權潘氏。向其調戲。輒與成姦。迨後宣淫無忌。以致權潘氏之子權候保。時向其母譏誚。致權潘氏將權候保致死。釀成重案。將閩海照姦內外總

麻服以上親之妻姦夫發附近充軍例上。  
量加一等發近邊充軍。

山東司

嘉慶二十一年

提督咨張四屢次圖姦伊媳么兒不從捏  
稱該氏懶惰用火箸將其手指烙傷卽與  
強姦無異若照強姦未成例擬軍尙覺情  
浮於法將張四發往新疆給官兵爲奴。

湖廣司

道光元年

北撫咨劉文燦聘娶已故小功堂兄劉文  
惠之妻吳氏係其父劉文榮主婚惟服制  
攸關未便照尋常嫁娶違例科斷劉文燦  
應照姦內外總麻以上親之妻姦夫發附  
近充軍例上量減一等滿徒吳氏聽從其  
姑改嫁罪坐主婚



山西司

嘉慶二十五年

晉撫題姚宗庫將年甫十一歲重養義子婦楊二女子強姦已成應比照強姦總麻以上親之妻斬監候義子趙八十六應令歸宗。

安徽司

嘉慶二十三年

安撫咨徐采蘩與小功服弟徐蘭玉之妻

章氏通姦被徐蘭玉撞獲欲行控告經人勸息後徐采蘩復往與徐章氏談笑又經徐蘭玉撞見徐蘭玉將妻斥罵經其堂叔嫡老徐章氏勸解之後徐蘭玉氣忿未息卽于是夜將章氏殺斃復行自刎身死例無專條將徐采蘩比照姦總麻以上親之妻姦夫發附近充軍例上酌加一等發近

新羅雜考  
邊充軍

山西司 嘉慶二十三年

晉撫題李喜成與降服總麻服婦李張氏  
通姦致氏服毒身死例內並無爲人後者  
與本宗小功服婦通姦作何治罪明文查  
子之出繼于本宗服制皆降一等與女之  
出嫁同其于本宗親屬有犯應照降服科

罪亦與女之出嫁。於母家親屬有犯同律。  
內指出姦從祖祖母各項。其服爲大功小。  
功。罪干內亂。故立予絞決。若出嫁之祖姑。  
及從祖伯叔姑二項。其服已降總麻。律止。  
減爲絞候。並不照所降之服科。以姦總麻。  
親之罪。姦總麻親至出繼之子。姦本宗小。  
功叔母。本干十惡內亂之條。卽在律載絞。

決之列其服雖降總麻其分實爲至親將  
李喜成比照姦出嫁祖姑從祖伯叔姑律  
擬以絞候

直隸司 道光二年

直督岑高彥調姦子媳周氏不從砍傷周  
氏平復一案查律內並無調姦子媳未成  
刃傷本婦作何治罪明文將高彥依親屬

和姦律應死罪者調姦未成依杖一百流  
三千里例上加一等發附近充軍。

陝西司 道光二年

陝撫咨趙金山與權氏通姦一案查趙金  
山與妻前夫子媳權氏通姦例無治罪明  
文將趙金山比照姦妻前夫之女例發附  
近充軍。

四川司

嘉慶二十四年

川督咨徐禮向萬徐氏冒姦朱成一案。查萬徐氏係該犯共曾祖姪女。該犯見徐氏在房睡卧。乘其本夫出外。于二更時分潛入卧房。意圖冒姦。因徐氏瞥見喊叫。未被姦污。將徐禮比照親屬和姦罪不至死例。若強姦未成。發近邊充軍。

奉天司

嘉慶十九年

奉尹谷孫富有與大功弟妻通姦。經氏翁  
孫忠賣與孫富有爲妻。孫富有照姦總麻  
以上親之妻擬軍。係旗人。不准折枷。孫忠  
罔顧倫紀。應以凡論。比照媒合人減一等。  
滿徒。

浙江司

嘉慶二十一年



提督咨送鄧五娶已故趙九之妻劉氏爲妻。該犯與劉氏前夫趙九之外孫馮春兒之妻李氏通姦。馮春兒相依該犯撫養多年。稱該犯爲外祖。雖無服制。已有外姻小功尊長名分。將該犯比照姦外姻總麻以上親之妻軍罪例。上量減滿徒。李氏仍依軍民相姦例。枷杖。

山西司

嘉慶二十二年

晉撫奏李張氏于夫故孀居多年。適聽隣近有娶親之家。頓萌淫念。隨勾誘伊夫前妻之子李明則通姦。李明則幼爲該氏撫養。因被誘勾。亦罔顧繼母名分。均屬淫亂。蟻倫。惟例無子與繼母通姦作何治罪明文。將李張氏李明則均比照姦伯叔母律。

各斬立決恭請

王命卽行正法

四川司 嘉慶二十四年

川督咨潘懷年娶大功兄妻唐氏爲室查  
潘懷年娶大功兄潘懷全之妻唐氏爲妻  
應依姦論將潘懷年依姦認服以上親之  
妻例發附近充軍唐氏依律擬徒將本夫

潘懷全依賣休律杖一百。經本部以潘懷全起意將妻嫁賣與大功弟致伊弟伊妻均干內亂之罪未便照平常賣休本律擬罪。律內又無賣休與親屬治罪專條查縱姦本夫應與本姑姦夫同罪。則潘懷全卽應與本婦姦夫同罪。將潘懷全改依姦總麻以上親滿徒。

四川司

嘉慶二十一年

川督咨張啟文與出嫁總麻堂妹通姦一案。查例內無姦出嫁總麻堂妹治罪明文。自應仍依在室問擬。將張啟文依姦總麻以上親姦夫發附近充軍。

刑部比照加減成案卷二十九目錄

杭州許榷

同訂

安陸熊莪

刑律犯姦

奴及雇工人姦家長妻

姦部民妻女

居喪及僧道犯姦

買良爲娼

刑律雜犯

拆毀申明亭

賭博

囑託公事

失火

刑部比照加減成案卷二十九

刑律犯姦

奴及雇工人姦家長妻

山東司

嘉慶二十四年

東撫咨趙祥因伊父雇覓小郭張氏在家  
傭工小郭張氏懷抱趙祥幼子睡臥趙祥  
起意圖姦拉其褲腰小郭張氏驚醒喊罵



經趙祥之母聞聲趨勸小郭張氏抱忿服毒身死將趙祥比照家長之有服親屬強姦雇工人妻女未成致令羞忿自盡例發近邊充軍雖親老丁單不准留養。

山西司

嘉慶二十一年

晉撫題宋謀小則強姦家長吳月恒之妻喬氏已成致氏羞忿自縊身死一案查雇

工強姦家長妻已成以致羞忿自盡例內  
並無治罪明文自應仍照本例定擬將宋  
謀小則依雇工強姦家長妻無論已成未  
成例擬斬立決。

姦部民妻女

山東司 嘉慶二十一年

東撫奏張玉收留匪犯之女大蕭大姐等  
通姦一案。查張玉係經歷李俊文家人。該  
犯與匪犯之女大蕭大姐等通姦。亦與在  
官吏役相同。將張玉比依姦囚婦者杖一  
百。徒三年。

浙江司

嘉慶二十五年

浙撫咨陳邦太係衢鎮左營把總輒與民婦程方氏通姦後復假名冒娶實屬有虧行止。惟律例並無職官假名冒娶民婦治罪專條。陳邦太冒娶之由究由戀姦所致。自應仍科姦罪。合依職官姦軍民妻例杖一百。加凡姦罪二等杖七十。徒一年半。程

方氏依姦婦枷號一個月杖一百。

居喪及僧道犯姦

奉天司

嘉慶二十五年

奉尹咨道士孫幅金、嚇逼屈張氏成姦、復毆嚇本夫屈開林、允從通姦、以便任意宣淫。實屬無故擾害、應照棍徒擬軍、該犯係屬道士、應仍盡僧道犯姦、本法枷號兩個月。

浙江司

嘉慶二十三年

浙撫題郭宗海毆死龔阿茂案內僧源澄、  
因胡徐氏至菴爲伊故夫拜經追荐是胡  
徐氏尙有不忘其夫之心僧源澄向其調  
戲成姦與姦有夫之婦無異將僧源澄依  
僧道姦有夫之婦照律加二等治罪例於  
和姦有夫者杖九十律上加二等杖六十

徒一年。仍照例於菴門首枷號兩個月。

山東司 嘉慶二十三年

東撫咨外結徒犯內僧人達朝。因王家相之妾韓氏在逃。領至廟內姦宿。與在他處刁姦者情節稍重。未便照尋常僧人犯姦律加等科斷。致滋輕縱。惟該犯並未誑騙財物。自應量減問擬。達朝除加片姦罪二



等罪止杖七十。徒一年半。輕罪不議外。依僧人於各寺觀廟刁姦婦女而又誑財物擬軍例上量減一等滿徒。

買良爲娼

奉天司

嘉慶二十四年

提督奏送陳大開設剃頭軟棚。先將學徒  
舖夥引誘雞姦。復令其賣姦。分使錢文。將  
王玉興、陳大均、依窩頓、流娼、月日經久滿  
徒例上加一等杖一百。流二千里。

浙江司

嘉慶二十四年

本部奏已革吏部額外司務韓元培。平時畜養素習拳棒匪徒。跟隨游蕩。嗣又與剃頭之王二格羅姦。復因妬姦挾嫌。糾衆持械。將范七迭毆多傷。情跡兇惡。未便僅照他物毆人成傷。及和同羅姦本律例定擬。致滋輕縱。請

旨發往烏魯木齊充當苦差。以示懲儆。朱

五等素習拳棒。本係匪類。聽從韓元培。將  
范七毒毆多傷。實屬助勢濟惡。將朱五等  
于韓元培。遣罪上減一等。滿徒。再加枷號  
兩個月。開剃頭鋪之陳開等。縱容王二格  
賣姦。比照窩頓流娼。月日經久。例各杖一  
百。徒三年。

浙江司  
嘉慶二十四年

提督咨柴四價買張太旺之妻于氏送至  
密內賣姦。查于氏曾經張太旺縱令賣姦  
之人。不得以良人婦女論。將柴四于買良  
爲娼。枷號三個月。滿徒罪上量減一等。枷  
號八十五日。杖九十。徒二年半。

直隸司

嘉慶二十五年

南城咨張五借給趙堃錢文。將畢張氏接

往。寓。所。誘。令。賣。姦。未。成。應。照。買。良。爲。娼。枷。號。三。個。月。滿。徒。例。上。量。減。一。等。枷。號。八。十。五。日。杖。九。十。徒。二。年。半。

奉天司 道光二年

盛刑咨富玉擾害案內之張盧氏價買郎氏爲娼。該侍郎以郎氏雖係良家之女自幼聘給杜勤爲妻。因不守婦道。伊夫將其

休棄嫁賣張盧氏買其爲娼甘心聽從礙  
難以良人婦女論將張盧氏等依買休例  
分別杖責經本部以郎氏因與伊夫杜勤  
不睦杜勤將其休棄另嫁郎氏並無犯姦  
實據係屬良人婦女張盧氏托梁義等將  
其契買賣姦卽係買良爲娼將張盧氏改  
依私買良家之女爲娼例枷號三個月杖

自滿徒梁義等改依媒合人減一等柳  
號兩個月杖九十徒二年半

廣西司 嘉慶二十四年

提督咨送李常開設剃頭舖生理雇李順  
兒做夥嗣李順兒被人雞姦曾將賣姦錢  
文分給李常圖分錢文容留李順兒賣姦  
將李常比照無籍之徒窩頓流娼月日經



久例杖一百徒三年。

貴州司 嘉慶二十年

提督咨送黃七鬼等開張客店容留剃頭  
人在店賣姦。卽與窩頓無異。應比照窩頓  
流娼係偶然存留。枷號三個月杖一百。

山西司 嘉慶二十二年

晉撫咨張添佩開設浴堂商同劉珍等覓

在趙甫則等賣姦漁利。趙甫則等本係良民。將張添佩比照設計誘良家之子爲優例。枷號三個月。滿徒。劉珍等依爲從。減一等。枷號兩個月。杖九十。徒二年半。

刑律雜犯

拆毀申明亭

江西司

嘉慶十九年

江撫咨金冬生、因鄧開萬只食私鹽被鹽  
快截拏該犯糾衆往討不以和喝令拒毆鹽  
快打毀卡房欲使鹽快不能能在彼駐緝比  
照拆毀申明亭例滿流。

貴州司

嘉慶二十二年

本部奏藍翎長雙福在東門外大柵欄內該班飲醉嚷罵將隊長領爾登布推搡。經本管前鋒侍衛六十八福爾聞斥阻雙福不服。舉拳欲毆。經人勸散。領爾登布因挾推搡之嫌。即將陳設鎗桿。拆圖賴復。總令六十八裝傷控告。並糾約該班衆兵丁。

到官同聲誣陷。查雙福雖無傷官毀械情事。惟在附近。

禁門該班處所滋事。應照旗人酗酒行兇、滋事例。發黑龍江當差。額爾登布、毀棄軍械。圖賴人罪。應比照拆毀申明亭板榜律。杖一百。流三千里。不准折。柳發新疆當差。六十八聽慫恿。裝傷誣稟。應照溺職例。革職。

奉

旨額爾登布著先在刑部柳號三個月滿  
日重責三十板再發伊犁充當苦差侍衛  
六十八著卽革職發往盛京充當苦差

賭博

山東司 嘉慶二十五年

東撫奏李增等扎死郭在發案內劉興元、  
出有賭具。邀令李占榮賭博。以致起衅釀  
命。又不能將造賣賭具之人供出。未便以  
骰子二顆。並未成副。稍爲寬減。劉興元應  
照賭博人犯。不將造賭具之人據實供出。

卽將出有賭具之人照販賣爲從例滿徒。

直隸司

嘉慶十九年

直督題許然案內之劉得拾骰三顆聚賭。並不成罰照開場窩賭例。枷杖本部仍將劉得收照出有賭具例擬以滿徒。

河南司

嘉慶十九年

北城移送呂四存有骰子。訊係買備希圖



乘便聚賭。尙未使用。依出有賭具。滿徒上。  
量減一等。杖九十。徒二年半。

直隸司 嘉慶十九年

直督咨馮泰德。價買骨骰。欲圖攜回原籍。  
擲賭。依出有賭具之人。照販賣爲從例。量。  
減一等。杖九十。徒二年半。

直隸司 道光元年

提督咨魏良吉于途間檢拾紙牌欲行售賣與販賣有間依造賣紙牌販賣爲首杖流例上量減一等滿徒。

湖廣司 道光元年

北城咨拏獲販賣賭具人犯韓二訊得韓二攜帶寶盒欲行來京售賣卽被拏獲係屬販賣未成于販賣賭具爲首杖流律上。

量減一等滿徒

江蘇司

嘉慶二十一年

蘇撫咨孫泳年造賣骰子案內之姜受山向馬大禮轉買骨骰尙未售賣卽被拏獲與業已轉賣貽害者有間應將姜受山照販賣爲首杖流例上量減一等滿徒

陝西司

嘉慶十八年

中城奏送鄭升向蕭芝買獲骨骸三副希圖轉賣漁利未經賣出將鄭升依販賣賭具杖流例上酌減擬徒

雲南司

嘉慶二十一年

南城移送桂大誘拐宋四姐案內之陳大窩留聚賭應依存留之人抽頭無多者枷號三個月杖一百該犯聞拏投首例應減

一等。惟例內並無枷號減等明文。應酌減枷號一個月。陳大應枷號兩個月。杖九十。

江西司 道光二年

江撫咨余時保。因在荒貨擔上買有憑天倒骰子。輒行開場誘賭。并將其餘賭具。分給周組善等。開賭逐日領取攤場分得贏錢。卽與販賣無異。將余時保比照販賣紙

牌、骰子爲首例杖一百流二千里。

江西司 道光二年

江撫咨余紹連等局賭威逼余以幸自盡。  
查余紹連等串商局賭抽頭復因逼索賭  
欠致余以幸被逼自縊未便照賭博威逼  
本例科以枷杖。訊係余紹連起意于酒肆  
局賭卽與駕船誘賭無異。將余紹連比照

駕船誘賭一次杖一百徒三年。余紹魁照  
爲從例減一等杖九十徒二年半。均係比  
例問擬免其刺字。

奉天司 嘉慶二十一年

吉林將軍咨陳優子造賣賭具一案。查陳  
優子係造賣寶盒比照造賣紙牌例擬軍

浙江司 嘉慶二十五年

浙撫咨外結徒犯內應李氏製造竹牌該氏以竹爲牌用色點染實與描畫無異應比依描畫紙牌照造賣紙牌軍罪上減一等杖一百徒三年收贖。

山東司 道光元年

南城移送蕭科自等賭博一案訊得該犯用竹牌連賭二次互有輸贏雖無竹牌例



某明文。惟既有輪贏。卽屬賭博。仍照賭博例。枷杖。

江蘇司 嘉慶二十二年

提督咨送王三。造賣賭具。案內買骰之史大。希圖賭錢使用。訊非圖利販賣。旋被拏獲。聚賭未成。卽將造賣之人。據實供出自應酌量問擬。史大依違。

制律杖一百

直隸司

嘉慶二十一年

直督咨劉順恭製造寶盒未便因其尙未  
出售稍爲寬減雖例內並無製造寶盒作  
何治罪明文惟寶盒實係賭具自應比照  
民人造賣紙牌骰子例發邊遠充軍

江西司

嘉慶十九年

江撫咨深世故。開標糾衆聚賭。比照花會案犯。依造賣賭具例。發邊遠充軍。

廣西司 嘉慶十八年

廣西撫咨外結徒犯案內。俸攀驥與俸衛邦。始則串同合夥。將周粵蘭局賭輸錢三十千文。繼又勒令周粵蘭寫契。將田作抵。迨後索得錢文分用。雖勾誘賭博。係俸衛

邦起意而勒契押田。係俸攀驥作主。實與匪徒串黨設局。誘賭折沒客商貨物者。無異將俸攀驥俸衛邦比照無賴匪徒串黨駕船設局。攬載客商勾誘賭博折沒貨物。初犯僅止一次。照開場誘賭例。俱擬滿徒。

貴州司 嘉慶二十二年

本部咨羅文亮起意邀集抓金會。查律例

並無民人邀集抓金會。作何治罪。明文將  
羅文亮比照旗人邀集抓金會例。照違  
制律杖一百。

浙江司 嘉慶十九年

浙撫咨楊廷。因徐老五造賣紙牌。雇該犯  
雕刻牌板。訊未夥造分肥。比照販賣爲從  
例。滿徒。

囑託公事

湖廣司 嘉慶二十四年

本部奏已革貢生周汝楨。因本籍士民互毆案件。卽私自寄信于承差回省之便。托帶交在籍之給事中。囑令探聽公事。復于信面註寫託交已革湘潭縣公館轉寄等情。查該革生。係大員子弟。不知安分讀書。

以紳衿交結地方官。殊屬藐法。將周汝楨、  
依民人附合結黨。妄預官府之事者。杖一  
百。例上加一等。杖六十。徒一年。

失火

廣東司 道光二年

內務府奏內閣中書鮑唐輪應值宿。至夜  
未經熄燭。睡熟。以致燭花爆燃。櫃紙焚燒。  
房屋。漢票竅。乃中書辦事處所。係屬公廨。  
惟在

紫禁城內。僅依公廨失火律擬杖八十。徒



二年。與在外衙署失火者。漫無區別。將鮑唐革去中書。于公廨內失火。律上加二等杖一百。徒三年。

陝西司 道光二年

內務府奏

御書處失火一案。查曾祿充當裱作匠役。因製造油紙。不諳製法。以致油性發作。自

行生火。延燒房屋。雖與遺失火種有間。亦應按律治以應得之罪。雖

御書處非

宮闕可比。惟在

紫禁城內。與在外衙署不同。將曾祿于失火。延燒。

宮闕絞監候律上量減滿流。

失火

直隸司 嘉慶二十四年

本部奏文穎館失火延燒房屋一案查廚役李海元於煤爐酥裂燒透板壁該犯不能先事預防第文穎館修纂書籍之所非官闕重地可止惟在

紫禁城內與在外衙署不同將李海元於失火延燒

官闕、絞監候律上。量減一等。滿流。仍枷號兩個月。

安徽司 嘉慶十八年

安撫奏李建聽從成志孔拆毀窰棚。不料棚上林梢芳草。落下窰口。被燈火延燒。以致燹斃四命。未便仍照失火致傷人命律擬杖。將李建應照不應擬抵之人。命如至。

三命於本罪上加一等。三命以上遞加一等。例首犯應于杖一百罪上加二等杖七十徒一年半爲從減一等杖六十徒一年。官大理以失火之案報爲放火斃命係屬誣輕爲重。惟燒棚屬實。究與有心誣陷者有間。照誣輕爲重致死罪未決杖流律上減一等滿徒。

直隸司

嘉慶二十三年

直督咨僧人昌玉住持靈雨寺。廟牆貼近  
行宮重地。並不加意防範。輒敢于上供後  
點放花炮。致火炮紙被風吹散。延燒

行宮遊廊值房。惟

行宮爲

巡幸駐蹕之所。究與

官闕稍有區別。且燒燬僅止遊廊值房。將  
昌玉比照延燒。

官闕絞罪。上量減一等。杖一百。流三千里。

四川司 嘉慶十八年

川督題朱幅俸。至田洪佐家飲酒。與田洪  
佐口角爭毆。田洪佐之妻田張氏。取稗梁  
旁所放鋤柄向毆。朱幅俸奪過鋤柄。毆傷

田洪佐身死。因田張氏取鋤柄時。誤將旁邊稗梁撞倒。火爐被火引燃。延燒房屋。致將田張氏之女田雙兒、田射庖等燒斃。田洪佐屍身亦被燒燬。將朱幅俸比照毆死一家三命斬決例。量減爲斬監候。本部以田雙兒等燒斃。與朱幅俸無干。仍依鬪毆殺人律擬絞。監候田張氏照失火延燒自殺人律擬絞。監候。



失火

已房屋因而致死人命律杖一百

山東司

嘉慶二十年

東陵奏送膳房失火一案。查于老于奉差打掃膳房。並不謹慎。當差輒因身子疲乏。點燈睡熟。以致失火。延燒膳房五間。惟查此項膳房。係在

行宮大牆以外。尙非

官、闕、可、比、照、失、火、延、燒、官、府、公、廨、者、杖、八、  
十、徒、二、年、